

悅
親
樓
詩
集

悅親樓詩集卷九 起丁酉九月至十二月

海寧祝德麟止堂

古今體詩一百十九首

校閱甫竣重九日將放榜紀事二首

同堂衡校不須催蠟炬
熒熒燭斗魁一度三年敢輕意
九方千里只論材
獻來完璧光難掩
聽到焦桐響亦哀
選取天香能幾許
卻看落葉已成堆

別裁丹墨謹批塗
萬卷中藏幾宿儒
隻手敢誇提玉尺
兩心相許映冰壺

謂東長前輩

鄧林遍度干霄木
合浦愁遺

照夜珠明日九仙

山名

萸菊會冬烘
差得解嘲無

揭曉後三日拜督學陝甘恩命恭紀

急遞傳宣 訓誥辭菲材稠疊荷 恩施或憑貞白邀

神相翻媿文章結

主知薪樵化斬三代復關閩學許一身司遊蹤此去增
豪健直抵崑崙訪析支

王審知德政碑銘

唐家六馬失御控羣姦手裂九州弄瑯琊亦是盜販徒
竊據閩疆統兆眾祖孫父子六十年篡弑相仍日荒縱
三清臺高事寶皇九龍帳暖藏金鳳厥初應募入泉漳
白馬郎君聲最揚兄終弟及建旄鉞時來遂作異姓王
廷臣兢奉勅謨碑文天祐三年歲丙寅其時雖繫哀帝
紀大權久已歸朱溫碑辭蟬嫣敘德政威武一軍齊額

慶鋤強扶弱醜自格薄賦寬徭民不病鈔書兩閣縹緗
多養士四門廉秀盛甘棠港旣改波濤佛齊國亦通問
聘更言戮力効忠貞翼戴天家特恭敬橘柚包纔海上
來菁茅貢又關中迎獨憐性絕愛浮屠梵宇琳宮到處
扶宜乎奕葉尙左道崇奉術士招妖巫銘詞華瞻淵雲
筆字畫端莊顏李骨歐公作史貴謹嚴得此足補世家
闕孤墳高寄行省籬珠襦玉匣無人知靈姿颯爽走風
雨還似泉州摧敵時

墓在藩署後園

贈方伯錢璵沙前輩二首

一入疆來撫萬松清高爭抵履綦逢立臺舊是朝陽鳳
渡海驚移砥柱峯

公任御史日頗著直聲巡視臺灣與大府爭論生番殺人等事上終是

之章貢江邊流澤遠蠶鳧嶺外貯春濃閩邦自被卿雲
覆溫煦家家日愛冬

曲江風度世交推考叔家庭樂更私壽到七旬還奉母
官尊四岳好談詩福星宦海無波浪老將騷壇有鼓旗
霖雨功成應乞養西湖佳景要扶持

贈糧儲楊觀察

廷樺

時以所揭王審知德政碑

見貽

麻沙里畔書從購黯淡灘前硯枉求笑我行囊無一得
多君精搨官相投文章結習官難奪兄弟同年誼較稠
令兄廷桂爲試問明珠穿百琲是誰親手種江洲
余同榜進士材楊下知名士皆其素所獎拔者
君畱意人

自水口登陸

輶轡以登山柁船而入水三百六十翠屏風周迴插在
青雲裏古田縣前秋月明清風嶺畔秋風清攀蘿寧上
嶺頭去怕見灘灘劍槩橫

清風嶺二首

選徑仍螺旋緣江作蟻盤閑雲如舊識伴宿更同餐
但見天宇曠不覺前岡低泉從衣上咽樹與腳跟齊

見劍溪行舟者

閩甌山形如聚米一溪帶繞彎環水自從入境達會城
平夷之路無十里時而隨鳥翔天邊時而學蛙落井底
時而盤辟故迴旋九曲穿珠又作燈丹黃蒼翠色頻換

單複窳隆境屢徙千二百驍玉女手七十四變媧皇體
輿丁足趺弗敢怨擔夫腰折終無已胡不使夸娥負將
置甌脫愚公移去投海尾徒令橫闌豎截要路中庀藏
惡獸養毒虺我性好遊山見之初亦喜閱久生厭憎周
行念如砥綠章意欲箋天公夢魂終夜長悱悱忽見溪
行蘿薦船乃知腳下康莊履

劍溪驛蓐食至建安假館作

風物推遷感客心遠天如夢漫登臨水聲隨石作宮徵
山色與秋爲淺深腳底勞薪貪小駐鬢閒華鬢怕交侵
清霜涼月郵亭畔不覺中宵戀故衾

嶺行雜詩十首

徑轉峯迴鳥道修僕徒隱見隔林邱只緣入險多驚懼
登降翻無失足憂

萬緣周遭裹一身偶投囊底失嶙峋千盤忽到高峯上
暫作人間絕頂人

銜尾兜籠高復低青天雁陣一行齊奴星到此翻安逸
千里何曾試馬蹄

侏儻人語昧誰何十問山名九聽謠不及禽言猶可曉
分明行不得哥哥

瘴嶺炎陬草木殊嵇含名狀未全符桂枝亂結迎秋子
榕樹長拖到地鬚

橘林朱實摘初殘野草閑花任意看一陣逆風香撲鼻

不知何處有幽蘭

蓊菜紛綸接地瓜巖居從不識桑麻鶉鴝自噪空山雨

開遍村村澤瀉花

蓊菜蔓生編竹承之芄芄若蓋地瓜卽番薯建寧產澤瀉花可蒸食

遠峯點點碧彎環近嶺層層血色殷若向妝臺闔睂樣

柳枝不學學春山

閩中樹木樟榕最多而絕少楊柳

忽似機聲忽似簧殘蟬依舊噪斜陽南方自有恆春氣

十月霜林葉未黃

一篇詩寄武夷君九曲溪從此路分不是使車程促迫

定來親訪幔亭雲

南平以來山徑閒多桂樹時盛作花偶詠

功德先於鼻觀深叢枝往往綴黃金雖然落葉空山徧

自有餘香在桂林

邂逅門人林于宣編修喪還自京追悼一絕
嶺雲水月忍思量如此清才遽天亡大抵天公忌尤物
美人佳士命難長

度大筭仙霞諸嶺

往時新試險愁絕少攀援人影鳥邊下竹光雲外翻涼
風催過鴈落日聽啼猿歸路一經此蕭蕭羈客魂

江山縣

眼界開清曠修途劇可憐更無山犖确或有水淙潺天
接平原闊烟歸遠樹圓寒暄殊百里紅葉滿前川

蘭溪舟中把酒獨酌

太末神仙宅東陽蘭杜秋直循紅葉岸遙汎白雲舟雉
堞天光浸魚梁潦影收人家多懷酒瓶罄更何憂

重經七里瀨蒼烟白雲頓增秋氣兩山紅樹紛
披不知身入圖畫也

炊烟斜裊翠蘿邊夾岸殷紅萬木鮮聞道神仙有雞犬
直將錦繡裹山川披裘事往高風在著屐人來妙句傳
不用誅茅學雲臥扁舟到此已忘筌

江上讀韋詩二首

搖搖川塗長城城歲時易秋江理歸櫂客筵歎幽寂細
讀左司詩仙蹤絕行跡綠琴歇孤彈曲罷暮雲碧夷猶
物慮屏澹泊世情滌數章足清諷百首彌厭釋誰歌招

隱篇松關共晨夕

江瀨滔滔水無情尙知歸征途倦不息遊子將何依已
翫清夕景重讀蘇州詩落葉持酒處凝香宴坐時生並
杜甫世心契淵明辭白業得禪悟塵網脫世機遺音自
疏越誰理朱絃絲桐江歇眾籟夜永燈花滋絕勝孟郊
語飢腸嚼彭蜨

桐江驛送東長前輩還京復命

先生入館年曰余誕生歲倍長敬絕班同朝事猶逮今
茲奉

主命擢秀甌閩泣敢云著先鞭庶幾榮並蒂啟軫方盛
夏雙節辭燕薊深柳曉依依新蟬晴嘒嘒曰車必聯鑣

曰衣必聯袂作止坐臥閒呼應鮮違戾尅期入鎖院努力事校藝尺度敢或差冰兢願同勵翰林有故事先後以科計三五七遞尊禮數莫與儷先生撝抑懷商略無疑滯析疑乃賞奇余亦慎品第如水入之鹽五味相調濟頻搜郤詵珍每雪下和涕傳聞此邦使往往掣且曳意氣王孫援佗僚自階厲沈沈司命堂午夜燈花細雙眼亮不迷兩心暗相契書稱協恭和易占兌澤麗惟茲忘分衷藉荅 知人惠重陽方歲事並返蘄循例忝被命重申簡書來急遞三秦往視學暫緩親

天霽經過先子廬仍許薦秋祭西去我育材北歸君謁帝程期各有限光景安可繫今日富春江方舟還鼓枻

明日武林城塵鞅當少稅此行萬里同後會何時繼情
深言易長愁重酒難泥兩關月落時相思詎能制遙望
金門春見憶願言噤秋水沙一涯秋山黯無際紅葉滿
前途送君從此逝

晚泊桐廬見新月

瀟灑桐廬縣晴臯薄暮天荒城當絕澗孤艇接殘烟月
吐水花白風明霜葉鮮清暉如作伴爲問幾時圓

江上咏蘆花

已罷猶憐舞將迴卻自飛遠天孤鴈外祇是送斜暉

富春舟暮寄都中游好

定山秋岸列松屏一霎歸舟過赤亭江水自流山月白

天風直送海潮青
鼉門東下通鄉邑
鰲禁南頭閱使星
欲乞潺湲寄朋好
塵纓先已媿迴汀

曉發富陽抵江口

江寬鏡面平
山遠黛光接
方舟睠歸路
波心趁黃葉
一角南高峯
雪然落睂睫

業師陳敬齋先生歿已期年江口距會稽一程未得往哭遣使代奠作詩以告先靈

曹瞞姦雄徒太牢
入喬廟淮陰英雄流
千金酬母漂何況
師事者心喪聖人詔
媿無白馬奔徒向蒼
天叫賤子少飢寒青
衫正潦倒先生眾中
見詫此寧馨妙招致
肯藉齋

仁和學舍

飲食兼誨導送上萬松舍

敷文書院

吹噓預考校

爲我通昏姻代我製衣帽期我學聖賢祝我躋顯要科
名髭摘領詞館遂忝冒書來喜可知勸勉不忘教官游
滯京國會合那能料所幸載草岡兩載接言笑余主講
戴山時
從過服除將赴官取別淚如瀑明知病已深安得和緩
療可憐屬續時猶復呼名號平生愛玩物命送幽燕道
通余秉朝節衡文泣閩徼返役泊錢江百里可親造
君言不宿家矧敢越疆弔哭寢歲已周憑棺足難到嗚
呼張步懷百施未一報秦關命重申息壤言虛約先生
每期余得學差當偕至使
署回念此語尤酸鼻也傷心善人後無兒等李嶠空
房一妾病異國一子傲侯芭冢土負子貢墓場埽此願
他日償敬爲幽靈告

使程嚴迫不得至湖上因寄明水中立一禪者
聞南屏心師臥病心嗜酒并以調之

攬勝齋臨一鑑開三天竺寺路縈迴辛夷孕得隔年蕊
相子繁於正月梅聖因寺攬勝齋前玉蘭春時花最盛
入天竺路烏相成林初冬鱗發正如
萬樹梅花偶憶走馬不尋支遁去燒豬空待子瞻來無
二景故及之緣爲療維摩疾要把西湖作酒杯

舟出艮山門取徑返里

暫喜墓田依丙舍再叨使節恰丁年逢迎預想盈門客
迅急教開閒道船桐扣驛前烏柏雨臨平湖畔翠螺烟
往還風景千回熟暗記當時只惘然

歸家二首

駟橋司馬還鄉日千騎岑彭上豕時路有險夷隨境換
物無榮悴到春知敢將車馬驚宗黨聊具衣冠拜墓祠
自是

主恩推孝治道旁休惹沐猴嗤

一舸飄然返夕陽舊時風物也生光瓜期歷歷剛周歲
去歲十月十一日辭家北上今於十月初七日旋里楓信明明早貫霜蘆荻白於
仙鶴擎芙蓉紅似美人妝雲心好在空山嬾笑我塵容
爾許忙

省墓

于役敢告勞曰歸匪暫憩恭承

天子命得展大夫祭緬瞻邱壠穹睽隔甫周歲幸荷

錫類慈順道薦牲幣幽明感合均軫恤 恩非細嗚呼
列鼎豐何如菽水逮回思十餘春弗克親甘脆轂轉悲
填膺縷縻雨泣涕蕭蕭宰木鳴鬱鬱佳城閉再拜優見
聞合漠自歆契夕陽銜半山徙倚不能逝徘徊周四阿
欲去又迴睇

假滿日即使二首

多媿鄉人問訊辭應圖求駿得權奇若言陸賈裝何有
一紙唐碑兩卷詩

此身天地一過客何處遠遊何處歸卻緣鄉味增貪戀
黃雀披綿紫蟹肥

宿夢樓快雨堂卻贈

道故心相賞論文眼最明行藏歸白髮絲竹與去聲蒼生
細雨過京口高齋訪友聲對床淹夕話翻起別離情

江口阻風欲重訪夢樓以輿夫未備而止

秋旻日落如翻鵲鴉坐城頭叫感策銀濤飛起作雪山
吞吐金焦半出沒維舟停櫂不可開對面并無來船來
顛風明日當斷渡古時鈴語今猶猜我笑江神太戲劇
得非有意代畱客昨宵一宿快雨堂殷勤牽挽難分拆
濟川有膽愁無軀登陸有岸愁無夫飛行絕迹任揮斥
自歎不如崑崙奴世途豈易識進退只合膏騰獨處塊
船頭香火盛禱祈篙師且學江豚拜

阻風兩日夢樓聞而就訪遂畱小飲

返風知乏術排悶更無由幸有忘機侶來尋不繫舟燭
花搖欲黯碁局罷初收客路多如此芳樽且細謀

大風渡江

賦命雖窮薄臨深每懼思只緣王事急卻畏簡書遲雨
雪驚神戲蛇龍喜客危回頭問屏翳爾怒亦何爲

渡江由三汊河赴儀徵乃入秦路也

窮年僕僕豈遊遨逾分恩綸忝再叨晝錦還家殊自
寵夕冰將命敢言勞北辭十月河漸急西首三川地
肺高瓜步城邊一迴眺新霜今已壓征袍

寄子穎

何處能銷旅客魂笛聲依約近黃昏梅根冶畔潮無信

阜茨橋邊月有痕岐路不窺何遜閣懽悰重問孔融樽
清詩一幅攜懷袖好與關雲嶽樹論

時以接葉亭
卷子屬題

子穎辱信問遺又荅一絕

客路悲孤獨音書慰寂寥天涯無限思只隔一重潮

寄焦山擔雲方丈

我昨擊楫陵蛟宮飛廉與我爭雌雄黑風白浪幾怖殺
空有好景迷雙瞳焦山一點青漠漠道人焚香閉松閣
門前日過千萬艘眼看未識風波惡道人心定水自定
仁者本無分別性偶從金石試瓊墨復向烟霞理鐘磬
竹樓當日訪師來卻有翠淙菴主

夢樓別號

陪紅蕉花開銀

杏熟江天一覽傾千杯卽今忽忽歲序邁枉帆復作秦

川遊望山不得住山麓塵俗應被江神羞篋中精搨還
什襲搨雲工豐搨曾以所搨鼎銘壑鶴銘及張樛寮金剛經各種見遺船頭四顧蒼茫
立雲中仙鶴不飛來惟見嵐光松際溼

眞州絕句

渺渺青山一髮圍江風江月送船歸屯田墓畔穠花發
文帝臺前野鶴飛

眞州卽陸

估舶來高浪人家隱畫樓明明黃葉渡淼淼白沙洲客
到魚初熟風低帆正收搖鞭從此去浩蕩作西遊

六合道中卽事

芙蓉岡下路四牡正騰驤漸聽江聲遠回看鴈影長木

彫天空闊日落氣蒼涼陟岵瞻雲近親庭卽帝鄉

滁州不得尋瑯琊諸勝寄題

彈琴苕溪石泛酒釀泉流我入瑯琊道心知林壑幽醉翁今冥寞亭子漫句畱二記自千古高風何處求

天慶觀

出手威原大銜枚直擣虛山河猶未宋師旅獨先滁似縛吳元濟疑逢李左車豈知端命殿點檢立功初

清流關

戰血埋山碧清流激石新南唐宮裏月仍照度關人

定遠道中

地老花無色山童鳥不過高秋殘燒遠斜日野風多龍

虎興王將騅虞亡國歌莫將成敗論往事總消磨

鳳陽風俗以乞食爲生男婦襁負走千里比日
所見皆是作詩以幾長吏挽之

天生萬物各有職女務桑麻男力穡如何襁負走閒關
露宿烟餐惟乞食何嘗吞炭匿晉陽只學吹簫向吳國
宰相豈必豆盧達院宇寧有卑田息春歸秋出塞雁然
傳云始自元明閒初因兵荒致流散其後風俗長相沿
恆心視此爲恆業轉徙不必皆凶年十家茅屋九家鎖
空餘草樹連雲天王政所惡在惰眊此曹什伯徒營營
鬬歌連臂不知恥何遽弗爲姦盜萌方今一夫靡不獲
田者爾田宅爾宅賣劍買牛古所稱我詩請刻荆山石

濠上

莊生蜨夢覺於此觀魚來魚樂自今古斯人安在哉明
波委夕照衰柳臨荒臺我亦逍遙者風前時溯洄

臨淮懷雨邨之粵東提學任當甲午歲雨邨典
粵東試過臨淮得余主考湖北信寄詩志喜今
忽忽三年余假道出此而雨邨亦重至其地因
次前韻以記蹤跡之合篇末云云乃願君無忘
在莒所以盡忠告之義也

日月雙彈飛光陰一蛇走那將拙鈍姿還與少年鬪平
生愉戚境眷念惟親舊之子盛才藻雄文多傑構論交
湖海豪下筆風雨驟前年臨淮驛懷我詩篇就詎料運

屯適畫足杯重覆方悲廢蓼莪不得襄薪樵三吳我杖
苴百粵子舉秀今年尙書省無端相厲詬郎官應天文
豈不敵宰守論事偶異同居然見彈奏

聖明燭幽隱召對獨汝右遂昭下石冤可鑒鑠金繆匪
惟還舊秩 寵命復隨後而我柱矢材一發再入殼茫
茫淮泗閒旌節所輻輳昨日陰陵城征鴻消息透傳聞
殊崖使於茲小逗遛往栽庾嶺花前度人來又仙眷挈
劉綱丹砂問句漏遙知白璧懷不羨明珠富塞翁馬不
常圯老書堪授所期竹柏貞莫學雞蟲陋使蹟各天涯
同心結蘭臭三年政有成他日互相叩

臨淮浮橋

何處馬蹄響一橋虹影來貫艘隨漲縮通軌擊喧厓桐
柏源憑導濠梁興可陪夕陽疎柳外釣客自徘徊

紅心驛寄內

心紅峽裏曾畱爪

心紅峽在秦棧中

復向紅心驛館來處處砧

聲霜裏急寒衣京國可曾裁

固鎮旅館壁間見劉雲房洗馬及雨邨唱和詩
率題二絕時劉亦赴安徽提學之任

使星旁午出都門先後雲房接雨邨我昨紅心驛投宿

海南人到話黃昏

謂梧岡

假道符離客館秋瓊瓏佳句滿牆頭吳興平水多嚴律

傳語詩人仔細搜

今體詩魚虞未可通用雨邨才大而疎于律作此調之

隋堤曲

殿腳三千隊尾銜拂堤楊柳碧影影春風不會君王意
只許雷塘到錦帆

商邱道中大風

枯楊殘葉如新萌萬條擺作雷硠聲黃沙瀕洞遍飛灑
白日慘澹無光晶得非關伯事征討手握號令驅雷霆
席卷井陘下函谷氣勢直欲吞參星鳥藏獸鋌人跡絕
而我兀兀肩輿行擔子曳掣若擲鷄僕夫瑟縮疑凍蠅
憶昨西津正問渡江豚吹沫迷江樹遂令三日阻行程
今又相陵此曷故一物亦荷皇天慈五夜莫觸明神怒
高明鬼矚無處無天下最難是行路

商邱贈陳春田 二首

陽羨谿田美商邱甲第深家風高復社世系在詞林早
擅無雙目能抽耒老簪平生棲逸意爲爾一沈吟

惜別亦已久從君顧玉堂老成半彫謝拙宦總回翔盡
詔人鳴鳳誰維禮餽羊七年清祕事一笑等滄桑

春田六年

前曾與余同講院事時諸城劉文正公實爲院長今祖謝已四年矣

睢陽行協忠廟下作

漁陽賊勢何縱橫胡塵慘黷天無情山東河北半失守
江淮保障睢陽城當時痛哭元元廟兩旅義軍齊失聲
雍邱以來數百戰單師奇計人皆驚南雷嚼血固男子
姚許漚膽如弟兄糗糧苟具犄角繼何堅不摧功弗成

開府特進盡首鼠賀蘭忌克私精兵食人活人人亦盡
美人帳下還遭烹虬蜉援絕鼓聲死黑雲如山崩將營
生不報君死癘賊一言忠憤填胸膺巡死非遽遠非屈
皦然日月爭光明是時浙東四節度盡先三日趨寧陵
東京收復在指顧天欲成此雙忠名睢水湯湯廟貌古
至今風雨驅精靈吾鄉伏臘亦祠祀魂歸髣髴神巫迎
佞人子孫尙蒙恥貞骨鄉里均流馨是非何必辨史志
村落姓氏還相仍

新唐書許遠本傳謂右相敬宗曾孫一統志遂據以爲杭州新城人按舊

唐書遠傳

鹽官人敬宗傳新城人或敬宗家新城其後

人實遷鹽官劉氏疎於考覈遂使祖孫異貫今海寧州城西南四十里有許村相傳遠所產地闔州許族望海

昌衍皆以遠爲祖城中並建雙忠廟官爲致祭焉

濱當日曾再拜今來復作睢陽行二書遠事無所述要

其志節同中丞酌酒敬告陸家姊千載而下公猶生

梁苑

孝王當日此開藩復道離宮不復存惟有枚鄒傳賦筆
至今人尙說梁園

漆園

豈獨文章妙其書至理存大能尊孔子空不啟禪門夢
覺關從闢洪濛局盡翻猶疑身善化胡蝶滿寒園

寧陵苦寒

景物凄其古甯城停驂纔得隸垣巖爐親獸炭紅初重
衣惜貂裘黑漸輕此役眞行半天下爲官不過老書生
風霜廿載驅馳慣爲
恩綸夢轉驚

杞縣贈同年邵遷廬 一聯二首

殘驛經樞碕前旌指酷溝故人爲邑宰從政有風流花
是河陽縣槎非博望侯相逢一解榻催促恨更籌

昔日題名侶誰先九萬程堂堂虞岳牧袞袞漢公卿似
爾才非拙憐余百不成大羅天上事回首若前生

陳畱道中遇小雪

枯木遺墟過有莘朝來片片著花勻飄零半掩袁安徑
滲潤全欺庾亮塵剡曲故交纔別越霸橋詩思已通秦
征夫自抱冰心去不羨梁園作賦人

汴州懷古

品畫論書鑒別真獨於理亂味經綸樊樓燈火平時景

艮嶽鶯花夢裏春
地棄燕雲原失算
天生宗岳爲何人
始終太息金甌缺
誰贖黃龍塞外身

博浪城

狙擊一椎起龍飛
萬乘臨報韓成底
事佐漢亦天心跡
比魯連譎謀同豫
讓深下邳潛匿處
竟得免搜尋

夷門

好客由天性何心
晉鄙并流風慕公
子高義想侯嬴共
有帝秦恥難休援
趙兵謀成人不見
此老已輕生

聞魚門改官編修卽用寄懷韻志喜

回首延芳薦辟初
藤花廳已少安居
改官轉似遷華秩
得志無如校祕書
七品冰銜非易換
六旬霜鬢始教除

望溪文字新城句旗鼓中原合畏渠

方望溪王漁洋皆由他職改翰林

開封守王德圃招同王露仲學使丁芷溪山長

讌集署齋榮鉞齋方伯亦至卽席作長歌兼寄

詒堂令弟

黃雲凍絮風淬鐔玉鴉片片遮晴嵐馬蹄瑟縮踏冰滑
嚴程西去攀轂函潁川太守舊朝彥一見苦欲畱駢驂
勞人小住無不可緇衣杖杜心所貪丁恭談經植桃李
王儉出幕搜杞相道逢故人得一足奇蹤況復成伍參
招攜頃刻集官閣曲房突厦何跼跼巖茗竹爐試活火
蠟梅蕊斗飄幽醺主賓相視盡莫逆燕齊吳楚方音謫
鍊齋位望重岳牧坦懷好客疑飢憊命駕徑造子猷室

高辭雄辯嬉春酣圍爐促坐興正劇芳殺美醞羅清甘

一雙新醉碧玉蟹三寸遠致黃金柑盃盤狼籍禮數略

忘形漸覺無莊談酒中忽起今昔感此夕此樂何自湛

當年日下共棲泊羊求苔徑通三三我隨侍讀露鼠臺

橐君偕給事世雞香含令弟中允好才調長離婉孌稱

奇男落葉涼風古亭坐春花細雨西園探德圃昆季官京師時居嬾

眠斲斲治臺榭人稱王園余寓接葉亭爲比鄰者最久榮公明健白雲長遇我往

往憐狂憨十年蹤跡判離合那知此地聯朋簪世事變

遷何足道盛衰倚伏良難諳中允蕉萃奪官職於今束

縛同僵蠶垂頭塌耳裹四庫生活自比書中蟬鸚鵡舞

餘思謝尚鷓鴣唱罷悲何懣指雙福郎輩宦海餘波等夢覺

封疆大局須人擔公等牙齧固赫奕吾曹符節徒羞慙
燭昏香燧漏籤促尙餘盛氣方攬魁統如五更鼓乍發
馬首我欲瞻終南雪泥鴻爪偶然爾相思別後緘雲藍

中牟贈邑令

治蹟稱三異從來縣令循不知千載下誰復繼斯人麥
秀蝗初伏桑枯雉亦馴袁安正高臥未省遣肥親

漁洋官渡詩云袁家新婦應惆悵賸與陳王咏
宓妃余以爲非植賦本旨作詩釋之

賁枕還轅賦感甄搜神嫚語太非倫責躬應詔拳慙意
何與皇堂拭涕人

虎牢關

參差廢壘玉門高氣壓巖關
逼虎牢六國有兵連上黨
三川無險過成臯武莊立國
藩籬固楚漢交鋒甲仗塵
千載登臨狂阮籍千卿何事
首頻搔

宋陵

華表麒麟望寂寥七陵那復
鬱蒼幾早經讐敵戎車躡
豈但樵蘇野火燒石馬無靈
王氣改玉魚有恨夜光銷
傷心不及攢宮草猶得清明
麥飯澆

望緱山廟

按史記封禪書注引裴秀冀州記云緱氏仙人菴者昔有王喬健爲武陽

人爲相人令於此登仙則非王子喬明矣然李善注文選引列仙傳及雷次宗豫章記皆以爲喬卽周靈王太子晉也唐人詩賦莫不云然明暢升菴丹鉛錄據裴說韓正今從李說作詩

縹緲周王子傳聞洛闕時成仙從此去緱嶺尙空祠鶴

馭何時返鸞笙到處吹只因裴秀記指點到今疑

夜發首陽驛二首

十里轅轅道東方尙未明衣天星燦燦佩洛水盈盈欲
把浮邱袂難勝曹植情神仙不可致奔走老吾生

一昔元譚妙千秋大集尊忘言思易象痛哭弔詩魂恍

惚古人接曹騰殘夢溫惡風收太谷旭日上旋門

去偃師縣

城東北數里有王弼冢卽陸機殺宿與
少年談元處也工部墓在首陽山下

洛水

宋玉高唐女陳王洛水神寓言何恍惚申禮太逡巡策
御依蘅薄陵波佇轡塵華容如可覩款素託文鱗

北邙山下作

松柏蕭蕭路驅車過北邙此中埋骨者螻蟻與侯王

洛陽懷古

輿圖史冊兩茫茫往事低徊付夕陽杜宇不關天氣運
銅駝慣閱世興亡河山表裏金城固人代飛沈玉殿涼
只有柳枝依舊綠春來重問永豐坊

過洛陽感綠珠故事

豪華早中禍機深直爲蛾眉猝見禽一死易酬知己德
千金難買美人心臺前芳宴尊初泛樓畔明珠月已沈
絕似虞姬垓下日香魂杳杳路從尋

望嵩

間有丹邱子萑蒲煉玉顏星虹不可躡三十六峯閒

新安

昨日東京路街郵去未遙暮閒餘白雪隧道入青要
記轅轅曲驄憐叱撥驕此鄉喬木里大節最昭昭
謝呂忠節公

會盟臺

和璧旣閒歸澠池復好會邯鄲弱者肉欲博虎狼快
哉藺夫子盛氣何慷慨髮已衝冠梁血可滅盤敦瑟鼓
缶必鳴都欺城亦倍此乃睨柱人何者有見賣辱王卜
行日廉頗實處內三旬計不歸請立太子代君輕社稷
重明決識無對談笑奉主還論功究孰最後來鴻門讌
撞入有樊噲刀俎頃刻閒智勇或堪配英風緬已遐高

臺跡猶在俯仰起長歎感激眞千載

魏野草堂二首

枯槁林逋雙鶴羽淒涼楊朴四婆娑菊灣花縣環亭樹
處士誰能得似君

不是商巖夢裏人藏名未得且藏身如何物外幽棲地
卻惹朝廷去寫眞

硤石

客意貪晴霽天心試險巇迴岡人往復峻阪馬倭遲霜
雪祖堪念關山遠未知聞名疑故里季迪有清詩

石鎮高青邱
所賦詩者

嶠函道中作

看山先要看山色山之色澤在樹石譬如人面具五官
盛鬚修眉露媚嬌驅車我自轆轤來峻坂九曲何縈迴
勇夫重閉古障塞殺馬填道誰能開卻嫌山無濃淡妝
柴立禿髡形骸僵一九泥經剝蝕久豁衍厚豁懸蜂房
行人興騎互往復交綬似習兵法熟俄而姜氏及黃泉
一笑吾公在壑谷忽然曲磴攀崢嶸談蕩又賦升天行
標木騰猿不待教磨盤旋蟻笑由停嗟彼造物者何意
鑿破混沌作兒戲近觀但有塵土顏遠望絕無秀靈氣
乃知中原只尊五嶽大他山多落蠻夷界記得蠶叢鳥
道邊丹青歷歷明於畫

次陝州甘棠驛

危岡客下似秋鷹召伯循行故境仍九曲波濤浮晉樹
二更風雨逼殺陵飽經天險輕關塞渴和詩篇賴友朋
莫聽尊前鷓鴣唱輶車此去漸安乘

曲沃

守塞防秦界陝郛因官名地本虛無安仁浪賦西征事
欲把桃林作晉都

入函谷關書懷

此故關也在靈寶縣南十里

征騎縈迴道里艱今朝望氣入函關陰厓亂插浮雲裏
一柱孤櫓九曲間牛跡逢迎塵自漲雞聲高下月初彎
遠臣從事憂何諗小雅翩跹未可刪

閔鄉咏古四首

卽漢之湖縣

方士求仙徧海瀛，彌天巫蠱禍誰成。
爰書若準春秋例，趙虜休加首惡名。

弄兵五日罪難原，殺母都因少傳言。
詞賦自來紛涕淚，如何只訟木人冤。

漢室儲宮變故紛，預人骨肉強殷勤。
壺關三老商山叟，似爲廷僚代格君。

泉鳩里畔朔風哀，博望游魂招不來。
卻笑君王太多事，通靈臺接望思臺。

鼎湖原

依然抔土奉橋陵，安得騎龍竟上昇。
欲覓胡髯垂地處，號州山碧水稜稜。

入潼關二首

眞見熊羆臥翠微，嚴關扼要踞巍巍。
中流古笮蒼龍斷，左嶺朝陽赤羽飛。
閑閉歷朝隨運會，警巡自昔有征譏。
不知姬德興岐日，可藉提封壯帝畿。

來徑崎嶇險不勝，豁然從此謝梯繩。
參差戍堞如相識，突兀城樓亦舊登。
前渡驚心迷巷坂，七年前於此問隔渡曾遇大風
河回首眺風陵。入關便是歸根地，暗數殘程幾日能。

望嶽

巖巖太華山，碧涌金天域。
入關疑遠眸，見此穠秀色。
三峯插杳冥，四面遞橫側。
顯氣澄虛空，蒼雪鬢眉逼。
緬惟混沌初，元精剽剝蝕。
中條及首陽，更不分限閼。
一經巨

靈掌兩戒遂瓜剖破碎出孤櫨巍然鎮西極面梁背秦
雍尋丈計千億靈感白帝通影落黃河植開闔混陰陽
奔趨隘輔翊日月自盪摩飛動杳難測寰中名嶽五其
四我已得恆嵩與岱宗茲山況舊識欲攀十丈蓮玉井
不可卽欲斟一勺漿帝臺不可陟毛女豈尙存髣髴露
織飾希夷正解睡何處叩元默但如杜陵老拄杖想倘
或不學昌黎翁慟哭慮偃蹇七年兩持節萬事一瞬息
與山有夙契所媿羈官職終當驟茅龍御風假羽翼浩
蕩討眞源玲瓏拓凡臆空同一題名元美牽連刻揮手
謝故人山蓀石未泐

華清宮

津陽門外連平楚疎雨寒烟啼杜宇行人太息天寶年
一曲新詞斷腸譜唐家天子厭明堂朝奉元元過會昌
十月驪山長望幸疏泉發石治溫湯溫湯泛漾丹砂沃
命婦宮人多賜浴錦幄繡雁意皆春暖王柔香看不足
自從搜得壽王妃共輦專房燕樂私雕梁畫棟連天起
翠箔珠簾踠地垂一騎荔支纔索笑聯跼阜莢又生姿
牽牛殿畔他生約舞馬牀頭萬壽詞牽牛舞馬無情物
能識君王恩意密何況五家三國親勿令車騎隨仙蹕
春回繡嶺百花開夾隊香裾五色裁珠璣爭向道旁埽
笑語多從天上來左藏金錢頻敕賜梨園綺宴每教陪
廣寒法曲霓裳疊桃李春風羯鼓催霓裳羯鼓邀天喜

瓊枝璧月那堪擬祇恨朝朝暮暮空但祈歲歲年年似
誰知一脫祿兒棚烽火漁陽驀地驚紫褥倉皇馬鬼驛
青驪辛苦劍門程劍門程遠天王狩華清宮闕都非舊
能言鳥去金籠拋長生鹿在銅牌繡山頭月出似蛾眉
嶺際松鳴疑鳳秦舞扇歌塵委逝波倂風慙雨摧華構
遊客題詩說太真千秋往事共酸辛玉蓮池外泉無主
金粟堆前草不春漢代尙畱飛燕井秦家亦剩祖龍墳
一聲阿濫村童笛愁殺豐原霸水人

西安贈秋帆中丞四首

高迎太華擁旌麾畢命成周舊保釐萬旅西師過祇席
千行封事協機宜客來幕府皆名士樹種棠陰遍好枝

一節恐子文苑如公餘仍訝著書奇

公撫陝後著有關中勝蹟圖志等書

憶昨承明載筆叨追隨公正主風騷連牆比屋鄰真卜

擘錦燒蘭興共豪秋月圍碁三徑冷春陰聽雨一樓高

而今翡翠影纓麗

公賞戴孔雀翎

畫手應添頰上毫

官京師日公居聽雨

樓余寓接葉亭鄰比日相過從同年王蓬心爲余作接葉亭圖圖中對奕者吾二人也

相見僮奴也竊欣回頭幾載感離羣登堂此日瞻賢母

開閣難忘見小君

夫人已久下世

玉女如花曾手抱

令其愛女出拜孩時

余嘗抱負之

瑤姬有句合香熏

旁妻滿香君能詩

誦誦談遍家常事

不覺連宵到夜分

此役深知是壯遊關中勝槩擬全收早聞古蹟懷西土

況值名賢據上流尺五天邊韋杜曲一千年外帝王州

明春竝馬尋芳去定有新篇互唱酬

至日莅三原使署二首

繡衣行部舊陵門

學使署舊在會城卽今之關中書院也康熙六十一年移駐三原卽闕內

道廢廡改建焉

到日陽回一線溫十世甘棠懷祖德

先十一世祖虛齋公

宏治中曾爲陝西提學道倡明正學鼓舞士氣載於志乘者特詳

三年小草識

皇恩嶮山岌業當牕秀涇水滌洞繞郭渾準擬埽除潘

岳舍板輿迎養樂晨昏

水經淮汴陸函峭倦羽今纔得定巢譚易夜聽王湛學

時支寅春谷懷珍祖望羣叔咸在幕

鼓琴人羨阮瞻交

查樹棠表弟

心期直欲

上瀾障約法寧徒故紙鈔

將次第頒布條教

卻笑安眠能幾夕

有齋商略又編茅

時擬營葺西偏廡舍

寄雷峯井研二絕

寧親只合早辭官鼎養何如菽水歡
干佛山頭閑草木
采來物物是陔蘭

千里相思倘有來頻年襟抱向誰開
願君拂拭胡威絹

認取當時舊漢臺

秦蜀接壤來歲按試漢中當邀君相就昔君隨任燕遊地也

悅親樓詩集卷九終

門人陳鸞翔校字

悅親樓詩集卷十

起庚子三月盡一年

海寧祝德麟止堂

古今體詩七十八首

聖駕五巡江浙三幸海塘恭紀

海戶曲三十章
謹序

臣聞古者天子巡守方岳習祥展義行慶施惠無
非事者而盛德之至通於神明周頌時邁之章曰
懷柔百神及河喬嶽般之章曰允猶翕河皆先言
望秩而后及式序止文敷天衷對之事毛傳訓衷
爲眾對爲配言徧天之下眾山川之神皆如是配
而祭之則海固在祀典然治海之略六籍罕聞帝
禹導河底績東漸于海蓋括青徐揚三州之地而

言其曰淮海維揚州孔安國云南距海杜佑通典
易南爲東南則自今淮之山陽以略潮州揭陽縣
者是浙江古揚州之域東西諸州郡所在濱海海
寧彈丸一隅爾而海患特甚者地勢有不同也蓋
左納外洋大海之入而鳳皇石墩大尖諸山以扼
之右承漸江黟歙以下諸水之出又有龕赭兩山
以逼之所來者遠所受者狹雷風相薄不平則鳴
夫是以奔立磅礴拗怒不止州治當交匯之衝城
之南逼臨巨浸與兩險者鼎峙角張每當秋濤駕
陵挾束莫逞回溜餘涌鏤齧滌汜震突而無禦且
地處高原於越爲陞於吳爲首勢若屏障然故治

海者衛海寧也衛海寧者衛全吳六七郡也且夫
治水者以利爲本不過疏導與隄防二者而已河
之性利疏導海不可以疏導之法治之則隄防急
焉宋元以來修築廢興載在史策大率經緯補苴
未謀經久我朝

列聖相承訐謨廣遠

世宗憲皇帝慎簡重臣以綜塘務建非常之原爲永逸
之計

皇上丕纘

先烈醞沈澹菑柴石鉅工次第興舉於是江海兩潮或
趨中壘或埤南岸城弗震驚民無墊溺而廟堂

之上安不忘危壬午乙酉兩邀 玉輅親臨指示
機要大吏奉行維謹歲庚子恭逢

七旬萬壽之期更舉五載一巡之典海瀝蒼生懽幸倍
萬

聖主厯念民依弗遑他務入疆簡從 涖止而周度以
邇年潮勢少北加意豫防 命於遶城緩工數段
改建魚鱗石工竝眎柴塘中之可以施椿者相機
易石所以保奠民生纖悉畢備宜乎陽侯海若之
屬默體

皇誠永昭靈貺而 六飛臨涖適當豫工告歲全黃順
軌之時與周頌翕川義合景鑠哉自古方行之典

斯爲極則矣臣生長海濱自祖父以來仰沐

三朝煦育安全之德感浹肌髓臣又夙忝翰林以珥筆

颺言爲職敢採蹕路輿人之談斥鹵細民之謠

諺仿古水調竹枝體裁恭撰海戶曲三十章以攄

蠡測至於雲罕所經兩浙三吳德音均被史

臣筆簡以紀編氓舞蹈而歌臣見聞淺狹不復贊

云臣德麟敬拜手稽首以獻

連歲東南望幸頻青郊啟蹕慰臣民

聖躬自法天行健億萬年中第五巡

赤縣青州覽俗麗蘭船春水達平江宸遊不爲湖山

美到浙星言泣海邦乙酉及此次駕自石門直指海寧仰見慎重塘工至意

奠安至計歷

三朝海若輸誠靜不驕未雨綢繆勞屢省惟

堯心法乃承

堯

孤城南郭已瀕阡況有東西兩翼兼不是金隄籌保障

空談桑稻與魚鹽

朝潮夕汐勢雄吞衮衮江流下鼉鼉一束赭龜相搏激

軸迴輪轉齧城根

宣房筴鍵豈良謀石甃魚鱗百里修仰溯

文謨因祇適施工初自普兒兜

康熙五十九年允撫臣朱軾之請於普

兒兜地方築起魚鱗大石塘五百丈此塘工之始事也

世宗發帑大舉

皇上繼志述事增築七千

餘丈瀕海生靈
永資奠定矣

坡陀坦水似廉階馬齒梅花俱椿名密縫排添築三層資

保衛也如竹絡護塘柴恭見乙酉諭旨及御製詩

老鹽倉岸對西興坍漲常年總莫憑南去山根猶易敵

北來塘力較難勝

不趨而北便由南納軌中疊路未諳

大智自如神禹績有教因任諉常談中小鹽自康熙年來戴經疏濬乾隆

十一年於蜀山之南開溝引濶仍於北岸安置石簍挑

溜挂淤越歲丁卯中小鹽一夕開通寬平衍暢從此潮

不至南北岸者十年良由至誠昭格江海效靈父老皆云數百年未有之事

爲民寧惜水衡帑平聲鉅石原期一例鋪沙性定難爭尺

寸成規專意事芟芻老鹽倉柴塘久議易石壬午親臨度試知活沙汕澀不可施工因

定歲修之制

若教移內可施椿其柰茅檐接牖窗增直屬薪民力裕

竝蒲浪切隄仍不廢耕耰已上二首恭見壬午御製閱海塘記

大尖肩聳小尖低乍浦潮來澈浦西一道兜灣新月樣

銀濤高捲雪花齊

巨靈伸臂掌擎拳一粟浮圖著此巔挑溜垣根真砥柱

鑄牛休說射潮錢塔山石垣橫截海中直逼大溜誠如聖諭為海塘扼要關鍵雍正間垣

工未就鑄四鐵牛以鎮之皇上聖德感孚護沙漸漲乃得堵築垣成

之患吳越王錢鏐曾有鐵牛鎮海建築石塘故事視此後排砌石簍金隄愈固永無沖突

年來沙戶織兼耕斥堠海人呼產蘆地為鹽場少震驚

安穩月憑疆吏報

皇心終自切持盈

長安垣口霽雲開岸草隄花淑氣催今日海隅成福地
廿年三見

聖人來

入城依舊促鳴鑾碧巘岩巖磴道盤法雨慈雲香界闢
虔心所祝是安瀾

險要頻經 降趾監垣基篴石齒唇銜漲痕羸縮雖無

定自有魚龍感至誠

壬午尺因

臨閱塔山沙漲掩篴痕四

已倍差今親蒞助驗標痕較縮

聖意卽爲憫然

備求保乂敬天恤民之意見諸 廣詠者至再至三
坦水迎潮篴挂淤儼如鼇極奠坤輿險工無恙平工起

分段魚鱗

敕補苴

活沙昔日審全形，疊石隨宜試概釘。於不可中求所可，

思艱圖易裕民寧。

已上二首恭見
本年諭旨

懷柔荅賤有明神，馨餽申虔式展禋。禮罷宸章存警

惕，一言精已貫天人。

聖言觀海難爲水，

帝德如天不可階。夏諺豫遊方送喜，

指豫
工事

春風花柳豈

關懷。

相國林泉七萃臨，幽探偶愜

智仁襟。自從天賜安瀾額，花鳥都懷向若心。

減帑蠲租萬井歡，已臻熙皞益求安。滄瀛縱有歸墟量，

爭抵恩波浩蕩寬。

牢盆煎漉傲茅簷

屈已渾忘黃屋崇窮竈富商羸絀力權衡久在 睿情

中列盆煎滿之地曰鹽舍 駕涖海塘 降臨周闕敬

食源乙酉 御製詩云茅檐簞竇何妨覽欲悉吾民衣
同體真無微不至也

僻陋邨居舄鹵濱久忘

帝力太平民迎 鑾禮數慙椎魯古樸翻邀 睿賞真

恭釋壬午 御
製塘上四詩意

兩度駢肩覲 六龍而今瞻仰遍吳儂

堯眉舜目加腴潤始識蒼天不老容

海屋祥呈此地偏雁臣魚妾徧垓埏齊聲同祝

嵩山壽笑止籌添萬六千 莊子八千歲爲
春八千歲爲秋

衡文閩嶠更秦關載筆欣叨侍從班最是受恩親切

處臣家住近塔山灣

弱齡獻賦切傾葵宮錦承恩第頌時愚闇那能料得

失當年曾亦荷疇咨王午法駕初幸海塘臣以諸

得失臣卷濫邀入選生獻賦蒙恩召試策問海塘

仰荷賞賚級匹聖澤何曾遺一民談瀛自笑類齊人李白詩海客談瀛洲卻將環

滋歡騰意譜入風謠字字真

歐北先生枉貽大集捧誦之餘敬題四律

四海騷壇各闢強縱觀今古正茫茫如公已就千秋業

愧我難傳一瓣香滿眼雲山惟泰岱盈門桃李有荒莊

平生感激論知遇不遣彭宣到後堂

館閣階資得外除蒼生濟了狎樵漁 眷深每荷

天言問親老難教子舍虛胸有甲兵從戰後氣無蔬筍
罷官餘萬株楊柳千竿竹好與先生伴著書

根柢原從惠子車精金鍛鍊絕麤砂獨開面目無前哲
不立藩籬是大家史事翻瀾都貫穿俗情點筆便高華
化工肖物曾何意一番風來一番花

集凡廿四卷

此集人間快睹先傳衣忽到海東偏竊欣附尾顏淵鑄
集中附不待從頭李漢編風雅體裁終未喪門牆氣運
刻拙作先生於癸巳終養歸里至丁酉與余先後丁內
本相連艱此一年中余同館及門以喪告者凡三人
挑燈重展循陔什獨對寒檠意惘然

薄遊吳門邂逅歐北先生於胥江舟次遂陪遊

元妙觀獅子林諸勝二首

鴻爪乖離十四年，歸心宦蹟兩茫然。但披大筆元亭字，
如對春風絳帳前。海國閉門雲滿屋，漁莊覓句月澄川。
豈期交臂平江路，天爲人留頃刻緣。

我老公將白髮璚，關心詩法要深談。路經指點迷方悟，
興到追陪夢亦甘。十笏獅林尋錫杖，林爲元僧維則三所構倪瓚作圖

層鶴觀訪琅函，如何七載陽湖畔。竟未相從舁筍籃，

宿南屏山舫，畱別心舟上人時將北上。

我與南屏石逢迎，二十年石仍峯獨秀。

獨秀峯名

我欲鬢蒼

然茗筍山中約，輪蹄客裏緣何會。三宿戀還得一宵眠，
雨急竹泉暗燈微。松磬圓他時最相憶，禪榻白雲邊。

服闋將束裘還館攄哀述事三首

憶昔冰雪中足繭關陁道匍匐到長安扶靈返宅兆宅
兆幾時營安措爲我考松楸未成翳而更懼不造耐葬
離合閒禮經敬論討祜薄罰自隨曷弗及躬眇𣦵𣦵守
丙舍涕淚溼苦稟狂飈先冬來吹殺墓頭草寒禽四顧
號哀響徹雲表徘徊向埏側展轉呼穹昊穹昊高弗聞
歲尾神龍掉枝閒弄鳴羽草長不可埽陳芟變新莖親
容那復好悽音轉悅籟子心不如鳥禮制示有終次第
易練縞奈何三年期竟如夙夜了

三年如夙夜哀痛何由伸誓將屏世事守墓終其身恭
聞道路歡

天子方南巡萬姓切瞻就草木咸欣欣官職雖不達曾
忝侍從臣暮春日上已六龍御尖山望塵謁道左祇
承天語溫以茲生感激出處計幡然嗚呼劬勞德未
酬分寸恩叨荷重疊封稍稍宿憾捐疲驚不足策翰林
亦儒官苟能稱厥職報

君卽報親從容戒行李逝將趨朝班所慮兩俱負祇益
平生愆

平生愆尤積壯歲父不祿今爲無母兒百死更奚贖駕
言辭瑩墓心軫足躑躅所祈麋鹿仁免致松柏觸歸來
坐北堂祖送雜親族先人同氣親惟有六旬叔垂老苦
無兒教誰供旨蓄全家累十口積儲鮮絲粟棄去覺我

忍年饑穀未熟負米但爲身臉泣益增慙兩鵝腳不韞
抱書朝赴塾終賴爲母賢旦晚勤教督門戶悲衿行生
理媿蹙縮去去勿復道臨歧堪一哭

秋帆遨遊靈巖臨其生壙遂尋天平諸勝而歸
奉贈二篇

前年韋杜曲乍歡遽言別去歲闔廬城相逢慘不悅君
送我素車我見君要經江雲渭樹間執手兩嗚咽今朝
遊子裝啟行篋金闕招邀快登臨用展眼界闊橫塘
一棹水羅綺香猶活籃輿穿細路磴棧歷九折老僧驚
出定戍兵齊屈膝笑彼山中人亦畏故侯節巖椒一振
衣腳底亂雲撥了了見洞庭雙髻弄凹凸湖光照佛面

灑然淨冰雪樓閣踞崔嵬萬景攬軒豁下有姑蘇臺不
見麋鹿矣夫椒霸圖空館娃芳徑滅訪古增鬱紆探勝
耐蒙密名流觴詠地水木尙明瑟名園天平接邇迤排空
列萬笏日星河嶽姿再拜緬前哲吾曾造華頂視此盡
蟻垤惟有憂樂懷千載默相質

生祭陶淵明生壙司空圖古來兩達人創此新奇模君
方宏建樹出入陳訐謨玉立頤而長昂昂八尺軀豐下
必壽考今纔五十餘胡爲遽倣此預籌委蛻墟君言埋
骨地難得高明區靈巖山峭拔奇境甲姑蘇面湖背深
洞極望開烟蕪庶幾覓魄遊風月爲戲娛年時筍屐客
何必非吾徒春花秋月際憑弔知有余玲瓏鮑家句唱

歎增歎歎生無林泉福死當享江湖我聞笑且歎妙語
前人無誰從富貴地一視浮休途足知通脫懷造化不
能拘人生固有涯令名終弗渝峴山一片石陵谷隨遷
徂至竟羊叔子赫赫照史書湛輩行自慨泯沒同須臾
且盡手中酒坐聽山鳥呼

金山弔韓蘄王

雪花裊裊銀濤舞十丈神魚作前拒還似黃天蕩戰酣
中權亂擊夫人鼓維舟入寺一憑欄帆檣百道來蔽天
搏桑星星射赤燄又如火箭飛空攢當時南渡中原改
臣欲渡河帶入海猶賴中流擊楫人能以全家當敵壘
紅袍玉帶彼健者去如脫兔龍堂下已喜先禽鐵爪鷹

恨不盡斫拐子馬偏安半壁要人扶朱仙鎮上忠旅俱
東窗老魅正縛虎西湖居士聊騎驢王自號清涼居士千秋血
淚灑英雄可惜飛騰戰伐功今日山川似圖畫滿江猶
作雌雄風

金山寺觀坡公玉帶

衲裙何物耶可以報珪璫熊熊寶帶光長燭金山頂當
年團練使鞮褫腰圍冷汝州方量移假道江淮境檀施
鎮山門不待長老請却灰脫兵燹宸賞重去聲修整王經
火燔且缺數銖命以內府干闥玉補之凡物所流傳亦視幸不幸焦山
有辱金乃是姬家鼎

登北固山陵雲亭遂遊甘露寺

曲磴危闌面面通身如霜鵲健摩空天開江海雙流外
山在金焦兩點中雲氣蕩胸迷鳥道崖顛垂趾踏蛟宮
我來紺宇尋遺蹟龍虎無從得四雄

坡詩所述各蹟今已無存

信宿夢樓快雨堂瀕行畱贈兼別雷峯四首

顛風當斷渡往歲此淹畱已失陳蕃榻空維郭泰舟

丁奉使過潤一宿快雨堂詰旦登舟大風三日不得渡歡悰今日續文望幾生修行

役方西笑差池媿野鷗

俠拜呼新婦

時夢樓新娶子婦卽雷峯女也

單行

音杭

見小君交情同輩

少禮數一家分歌管妓童狎旃檀大士聞累他清淨地

爲我設檀輦

夢樓蓄聲伎長齋奉佛

振衣甘露寺攜手妙高臺美景江山拓清遊笠屐陪貌

余顏老醜

時屬華生爲余寫照潘蓮巢補圖

寶爾字瓊瑰篋紙欣相贈

朱蒙塞外來

夢樓工書時以高麗平康紙二十番及松烟墨數九奉餉

復有岷嶓客乖離幾載經送親來北固埽墓向南屏

雷峯

送嫁南來母夫墓在西湖

邂逅一杯酒短長何處亭明晨分手淚

雙滴在中泠

就陸後嬾不作詩車中偶吟一二首旋亦忘之

入都應酬靡畢書以自解

詩濤要汪洋詩骨要峻陡詩情尙綺靡詩味貴沈厚更
取詩腸寬函納蔽狀醜亦須詩境佳天秀富攜取然後
發爲文應心斯得手刻轅秋後山婀娜春初柳哀援叫
澗峽寶劍煥星斗作者攄性情讀者傳不朽今余亦何

爲迂踈但墨守三年廢禮樂禮樂壞已久言哀且未忘
言歡更何有自從卽長途稍稍啟豐蔀濟江達長淮竝
岱陟眾阜皇天盛霖潦滂沛溢田畝所歷齊趙郊不辨
原與藪局踖坐柴車下帷閉新婦時遭逆旅欺或被僕
夫詬那當行役艱撚髭開笑口昨者入春明息肩弛擔
負故交三兩輩開尊勞我酒神魂乍棲泊塵璫漸斗擲
行當呼古人晤對商可否興來吟千章情往賦百首蟲
能鳴乎秋鳥亦求其友莫將玉抵鵲安用金享帚僧壁
或籠紗鄰家或覆瓿毀譽聽時流自向元冥叩兵可百
歲間未可一日狃詩可千日廢未可一字苟書成獨覲
然付之亾是叟

大雨三日寓廬有頽圯之患

黑雲如輪白雨如舞小點絲縉大點強弩誰挽黃河九
曲水上天倒注波濤壑庭廡魚生釜中鼃入竈東舍牆
頽西壁搖依稀不甚辨人聲驀地有時鴉鵲噪我廬小
艇波中浮將身縮殼潛蝸牛承塵漏涇紙捲盡天光穿
隙燈光愁中夜起移牀牀牀無乾席侵階入戶汨汨聲
俯視牀前已三尺檐楹震撼神覓迷以火來照四柱兩
柱朽腐如沙泥一木之支倉卒不可辨屋角但聞萬馬
奔霜蹄涉水葬魚腹陟山墮虎口眼前性命亦何常委
蛻本非吾所有不如且聽之蒙被僵臥直到天明時雨
聲漸稀水漸退起來顧影翻自疑吁嗟乎爾家雖無連

闔與洞房三閒老屋花溪旁苦茅亦足蔽風雨庭前桂
樹將生香胡爲單車復走長安道行在塗泥居在潦平
生漫思萬閒廣厦芘寒儒區區一身幾莫保

皇上七旬萬壽詩

五言古體六章
謹序

乾隆四十有五年歲庚子秋八月恭遇

皇上七旬萬壽景慶覃彌協氣四馳是年春先舉

南巡盛典

臣

於揚州水次敬迓

鑾輅趨回本籍海寧

祇候於尖山行在復得瞻

天表聆

德音采環瀝之謳歌集在塗之謠諺撰爲海戶曲三十

章以獻旣於嘉興跽送

屬車卽治裘北來赴官

舟車所經見夫地方有司林野更老以及青衿貝
冑負耒而耕擊壤而歌者舉圓頂方趾之屬莫不
頌魏蕩之仁上臺萊之壽矚景蹈抃遡風驩呀愛
戴惓懇滋益勿懈臣前在翰林時恭修
記注者七載仰見

皇上敕幾保泰行健體乾文德誕敷武功耆定凡用人
行政諸大端

宵旰憂勤四十餘年如一日嘉符應於三辰大信孚於
九譯寓內含甘實鏡醴粹上暢下泝靡有不究茲
屆

大慶之辰 詔命所頒百禮具舉興賢蠲賦異數優渥

視掌故有加先期渙汗天下喜出望外書所謂一人有慶兆民賴之者乎

上儉德彌劭屏抑華縉而棧岷槎渤輸誠闕下稽首恐後者且極於西方無量壽佛國煒哉自伊耆以來六經之所紀述罕有倫比即使淵雲嚴樂輩出亦未能摹繪萬一矧

臣

愚陋何足贊美顧念旣醉卷

阿諸詩依類稱願俾爾介爾之詞累賡而七月之末章曰躋彼公堂稱彼兕觥萬壽無疆忠愛之意無閒朝野堯之德光被四表格於上下而三多之祝獨見於華封人

臣

甫從東南來歷燕齊吳越諸

境親見民氣和樂年穀順成且清蹕初還沐浴

膏澤者如嬰兒之戀父母一方之誠可以推萬國之懽也逃聽之眞固不如目睹之切也爰卽道路嘏辭謹綴五言古詩六章章二十韻合爲千二百言以抒芹曝亦庶幾幽民之志華封人之義云爾其詩曰

皇圖祚方隆

帝德修思永憲法自

祖詒智勇本天挺廣運斗極旋照臨日華炳守成實兼創履盛彌存警御寓卅五年紀綱罔弗整萬象已熙熙一心猶怵怵由來言保乂端貴吏職靖治民先治吏要道

宸躬秉考察載閱三批荅夜逾丙懲貪爲勵廉獎善
亦容省儉素黜繁縟聰明杜幾倖是惟九重居而燭八
荒境東南富庶域五度勞巡省悉井切恭讀訓吏詩
如衣挈之領小者牧郡邑大者寄藩屏深媿乏承宣職
司敢不黽恩光耀簪紱和氣翔廬井六飛初返轡
百爾尙延頸所願

聖人年蕃滋戶口竝一丁算一歲總括十七省

所準切

右疆吏祝辭

生居太平世竊自幸遭逢何況紆組綬名忝朝籍中引
年義當退鐫秩咎或蒙林棲返初服寢處託帡幪犬馬
倍依慕

君門深九重 省方勤法駕乃得瞻

天容天容如初日東方啟曠曠戀闕志纔慰爭思豹尾
從今茲際

大慶羣情效呼嵩造化憺無爲恭己矢穆冲檀林卻梵
唄郵路停朝聽卻觀元日 詔身約禮則豐一級共拜
爵五花還邀封分豈別朝野 恩自全始終篤舊眷耆
耆宥過矜愚憇慈雲徧被覆卿喬輝柴蓬人樂江湖散
春霑膏露醲感呼振山谷無由表微衷所願

聖人年普天官額同一官貢一紀推衍長無窮

右林下祝辭

典學

聖德懋右文

帝緒光生知本天縱遜敏如不遑纂經揭道統評鑑鏡
治綱嘉惠逮儒林服誦乃是獲近者編四庫盡搜姬媿
藏羣書經 論定君師道兼彰幾暇翫毫翰大文何洋
洋 御集布海宇訓行啟瞶盲 叶五十樂府擬百六全
韻詳睿藻不安杼言言契羹牆發揮 聖製富培養士
氣昌作人應壽考恩膺聯已庚 叶俊籲四門廣賓興三
物良春日

帝巡守禮羅更恢張廣增弟子員思樂盈膠庠第頌拔
其秀齊上中書堂卷阿歌藹吉威鳳鳴高岡仰慙教澤
厚俯媿學術臧所願

聖人年富有如 天章一篇抵一裘增繼方無疆

右多士祝辭

深宮揮琴弦天下自解阜小民安耕鑿

帝力忘何有保赤殷惠懷鞠育真父母水旱必徧咨

卹若恐後普蠲歲正供兩寅接丁酉厥敷溢萬萬藏富

亦孔厚聞復追漕糧時或已責去聲負近叨全復 恩緣

晉七旬壽戊戌 詔豫宣庚子歲輪首 時巡輦過處

捐減別等醜博濟邁堯舜儲蓄逾三九其他衛民事有

一未周否河防重江南海防重浙右要險數入聲

躬履上策荷親剗奠安工底績清晏波循軌叶自古仁

愛君疇能及我

后修和元氣培光格天申受基丕福斯崇德盛運益茂
叶所願

聖人年免賦數相偶一金益一章
十九歲爲一章見後漢書天地共
悠久

右庶民祝辭

我朝薩爾濟大戰式開基

祖烈觀揚遠國俗訓練宜惟天亶

神武動燭萬里幾回準以次平天討罔或稽順者玉奇

種逆者金川夷昔城拔達克今沼噶喇依 睿算出萬

全獨斷祛羣疑戰圖炳竹帛奕禩欽弧威止戈凱宴後

耀德承平時佛土奉聲靈率屬來媚茲蒙 古喀爾喀尙黃

教賢王倍畏懷乃知在宥理柔服寓於微全盛不弛備
肄勞常懍持木蘭歲行獨南苑時合圍京江及錢江
巡幸閱水師內帑第優犒月糧全溢支至仁無分別
綠旗如八旗士飽枕戈臥無可効驅馳所願
聖人年新疆道里齊一里計一周歲星十二歲一周天見左傳注引續
還無涯

右兵弁祝辭

角亢長東宮璇霄光舄奕其下多老人占候夙無貸吾
儕髮皤皤壽命賴薰育叶頰叩天地寬扶持孫曾叶繼
聖躬斂諸福嚮用在敷錫堯民本遂生往往歲逾百文
綈賁其身綽楔光其宅下至耄耄倫次第霑濺澤鄉禮

加籩豆 詔音予粟帛華渚遊龐鮪虞庠養庶國憶昔
少壯時篤祐仰

仁辟

神孫如

聖祖瞻觀手拊額迎 鑾乍拜舞介 釐更涌耀白鏐

牌陸離黃紕衣綸絕就中最榮顯不乏通經碩清華或
寵銜廉孝或注籍往者璣衡書輪環周甲益日升而月
恆自今增萬億所願

聖人年如此千輩積一叟獻一期

禮記百年
曰期頤

併算永無

極

右耆老祝辭

中秋前一日同陳寶所給諫施耦堂侍御沈南
雷儀曹周載軒吳穀人兩編修讌集蘇方潭明
府寓齋耦堂詩先成次韻

酒可頻賒月可呼吾曹何事不爲娛素心難得皆閑客
華髮相看半老夫節近興支明日好詩成味奪爾穀腴
便須從此聯高會木葉經秋豈重蘇

昨和蘇字韻用易震六二爻辭義也寶所以爲
未安乃更易他意旣改作仍疊前韻簡寶所

到門綦鳥聽傳呼

御史巡城過街巷例得呼唱

決事餘閑便宴娛詩

抵長城推作伯酒當強敵笑非夫

寶所不能飲

室中供養芝

蘭草卷裏咀含經籍腴拙句重煩商略穩始知交契有

田蘇

再疊前韻簡方潭南雷寶所耦堂諸子

忘年輩行久相呼隨意趨陪盡

子忍切

足娛貧可交遊徵

氣誼老於詩律見工夫帶圍漸覺沈郎瘦

南雷病初起羸瘠殊甚

俸橐空談粵地腴

方潭曾任博羅令

不是一臺雙健筆獨愁誰

復抵萱蘇

寶所再和亦再荅之并約諸子爲九日之會

年來牛馬聽人呼憂戚餘生更底娛入世不妨嘲拙宦
閉門豈敢著潛夫黃花籬下容常淡紫蟹磯邊腹正腴
但得酒杯深似海霜天坏蟄也昭蘇

九日同人陶然亭登高歸飲方潭寓齋寶所仍

疊蘇字韻再和二首

亭子前頭幾醉呼重陽例作一番娛滿城惟此宜高閣
命駕何須避俗夫鈴菊待霜黃未坼絮蘆捲海碧猶腴
最憐昨日西風緊落葉紛紛不可蘇

先一日京兆放榜

傍檻穿林應且呼遊蹤只此已歡娛可無濁酒過鄰舍
或有狂名噪野夫醉眼一開天界闊歌喉雙試肉聲腴
座中盡是西湖主別後低徊句詠蘇

東坡詩古來重九皆如此別後西湖

付與誰

展重陽日同沈雲椒侍郎陸耳山光祿張涵虛
侍講曹習菴中允暨吳稷堂編修集韋約軒聽
雨樓送同年吳白華學士督學楚北

去年鴛鴦湖送君值秋杪今當暮秋時送君長安道年
年一送君蹤跡類征鳥漫云交契殊離合催人老武昌
擁傳去此願我未了君昔看花遊熟路騁駿裏白華於辛卯典
試湖北後一科余亦拜文章與江漢大氣爭浩浩杞梓
斯命旋以丁憂未赴入斧尋山川歸鑒藻卻令親舊彥別意盈懷抱阿閭雙
鸞鳴兼謂樓堂高天一鴈杳庭樹憎緒風籬華愛清醪勿言
一夕會印雪且畱爪黃鶴樓頭雲鸚鵡洲前草我夢逐
君飛羈心不可歸

九月二十八日諸門生治具讌余於陶然亭仍

疊蘇字韻二首

幾輩聯名折簡呼飭寬禮數第尋娛詢悵或許論風月

敦淪何堪主士夫美酒醇醲最相近秋花孤潔不能腴
渾疑再展重陽會策杖登高病已蘇

探菊西郊枉費呼

是日別有草橋看菊之約未得兼赴

憑闌縱目有清娛

晚蘆舞似玲瓏女古樹撐如倔強夫梵宇長筵圍玉筍
松風短鉤煮雲腴自慙難繼歐陽筆諸子才華豈讓蘇

領俸米九疊蘇字韻

滿車捆載到門呼濫食東方敢戲娛通籍居然前進士
代耕恰可下農夫僮奴飽眼量兼料雀鼠飢腸苦亦腴
不向監河勤貸粟波臣涸轍一時蘇

與蔣心餘前輩別十數年矣昨相遇於三硯齋
席上喜甚長句奉簡

直爲神交往返頻誰知老屋竟藏身一官如睡眞名士
四海論詩更幾人邂逅忽驚髻鬢改吹噓尙覺齒牙新
莫辭此後循環酌潞水歸舟欲向春時心餘已乞假待冰半南歸矣
耦堂穀人以蘇字韻唱酬凡十餘疊穀人錄藁
見示再次以荅

求友嚶嚶鳥自呼騁妍鬪巧各爲娛陽關何止成三疊
劍閣終當守一夫瓜李重投還重報燕環宜瘦亦宜腴
不須窘我逋亾地豈有蜨丸轉勝蘇

昨投耦堂詩有瓜李重投還重報燕環宜瘦亦
宜腴之句耦堂誤讀爲玉環宜瘦不宜腴作詩
諷正戲疊前韻二首嘲之

趙后楊妃本並呼詩家比擬列媚娛

延媚延娛周昭王時二女名見王嘉

拾遺記

要知合德非無姊何況羅敷自有夫雲外衣裳空

想像掌中歌舞太豐腴倚妝句入清平調學士由來醉
未蘇

書來拍手縱狂呼此老風流太戲娛今古詩才難將將
漢唐家法少夫夫偶然合傳香兼玉孰料拈題瘡倒腴
始信文章易迷目今朝李廌遇髯蘇

雪二首

紙牕何炯晃推戶沒階深且自圍爐坐無端引酒吟天
寒庭宇闊風定市聲沈便欲扁舟返梅花訪故林
繞樹萬蝴蝶閑庭戲落花忽推寒玉墮突颺一枝斜冷

宦居心淨貧家照眼奢那堪剡溪客相隔在天涯

題方潭望雲圖

任博羅縣令時作

有親不合官天涯有官漫說思庭闈庭闈望眼已難到
繚繞白雲況閒之一東一西南復北徘徊搖曳漫空滋
誰邊鷺嶺攜琴上何處獅山

方潭家於此

策杖嬉人言明月

共千里亦云愛日無窮期卻疑雲陣太狡獪羈心亂逐
天光飛吾曹坐竊升斗祿因循未諧蘭陔詩猝然風木
不自靜其實忠孝原都虧豈必爲霖潤萬物偶看出岫
含幽姿似君直作羅浮夢如我爭禁華嶽悲當日望雲
雲不知而今雲向山中歸雲歸尚有重生日親去曾無
再返時

臘月十七日再集方潭寓齋

人如枯木集寒雅愁裏歡場客裏家瞥見年光流漢臘
上戊預支春信到唐花食單王鮪俊同嗜觴政於菟豪
倍誇虎行待得玉山筵上倒滿庭霜月已西斜

穀人屢疊男字韻詩見示次荅

淵源漫說潮青藍吾道由來歷試南

甲午丁酉典試吾浙者皆余及門穀

人出林于宣門下

喜見羽儀鴻漸陸自憐形影月成三祝神酒

禁欺劉婦兼弱詩壇縛許男可笑典衣頻召客一家仰
食且如蠶

歲暮獨坐有述二首

眼前歲月去如奔水向源頭木向根一滴思親淚難盡

尙和殘燭瀉雙痕

陳陳輩行催人老
袞袞榮華讓客爭
那得不爲祧廟主

小門生已有門生

門生門下見門生
裴韓句也今謂之小門生

悅親樓詩集卷十終

門人顏棟校字